



和16
1604
11



和6
604
71

花陽聯吟卷之三 平江書院課卷

馬世駿



是地行僊墮劫塵吳門花艸一時新增開風月真盟主
舟泛江湖一散人不恥顛狂從我好儘教磨涅試君身
逃名爲受名高累小築桃源別有春

洞口桃紅舊擅名落英雲散路淒清尊鱸自合招張翰
婚嫁何曾了向平四壁溪山傳墨妙一邨煙雨露花明
荒墳長得春風度青艸年年吹又生

命不封侯數最奇三生公案有誰知溫卿獨下臨風泪
賈傅偏畱弔楚詞清俸分來培宿艸殘碑捫得誌荒祠

表彰前哲崇儒雅
食報應教埒左司
小堂供養佛傳燈
香火因緣付老僧
身後冠裳埋丈室
生前衣鉢契三乘
架探遺韻題青簡
庭陰高枝挂紫藤
松柏桐猶墳上樹
桃花徧種勝平陵

吳廷璐

絕少風流步後塵
荒庵冷落碧苔新
種桃今日開僊館
荷鍤何年葬酒人
癡蜨尚依花作夢
倦螢終倚艸爲身
眼前一種淒涼景
占斷姑蘇錦繡春
斗室然燈禮淨名
梵經畫卷有餘清
千秋詞賦推唐勤
一代文章配屈平
縱酒何妨成浪誤
人終患是聰明

漢皇未見虛前席
自向江頭哭賈生

一生潦倒數何奇
蹤跡空餘鷗鷺知
白練爭傳書有幸
朱衣誤黜怨無詞
祇園貝葉梵王宅
靈館夭桃才子祠
聞說梅花和靖後
孤山不藉子孫司

不求衣鉢不傳燈
狂習真同粥飯僧
曼倩風流窺十祕
維摩花雨證三乘
掃除塵土畱殘醉
遊徧名山仗瘦藤
忽聽僊禽宣佛語
妙音應是說迦陵

李師杰 俊時

數間老屋溷囂塵
京兆題名額尚新
短簿祠來詩酒客
眞孃墓過綺羅人
偶經醉月飛觴地
曾弔間雲野鶴身

半陽斜陽一溪水桃源重見盛芳春

哀然舉首重文名心與冰壺一片清太息下場方少壯
緬懷當日正昇平退風宋鷁飛難上擲地隋珠夜倍明
絕代才華真不朽丹青聊以寄浮生

從來才子數多奇吳市佯狂畏世知落魄唐衢徒解哭
招魂宋玉舊題詞千株補種元都觀一水遙連白傅祠
贏得踏青諸士女喧傳宗袞在官司

暮年慧業悟禪燈供奉何嫌屬老僧尚有心香山谷熟
幾曾下澤少游乘一彎可有支橋樹半壁難尋覆釜藤
半壁藤蘿覆澆酒看花多過客又添佳話在延陵

譚瑞東

鼓吹聲銷匝地塵才名歷劫又重新不逢潘縣栽花日
誰向劉墳訪酒人管領湖山前度客總持風月再來身
舞衫歌版飄零久植得僊桃復放春

才士由來善敬名鴻飛無迹見孤清徵書被後狂尤甚
濁酒澆來氣亦平活潑禪機臨水悟煙雲畫譜對山明
最憐杯土埋青艸文采風流萃一生

自古文人歎數奇定文每待後相知青山已破寰中夢
紅袖猶歌壁上詞酌酒盡來詩客墓放舟多過水僊祠
碧桃一笑花如舊感激憐才杜左司

漆室從今見一燈湖山佳處每尋僧能知才子空中語
都是禪家最上乘此日棠陰歌白紵他時詩筆照溪藤
看花應下青衫泪古誼千秋重信陵

潘世俊 葦塘

一生心跡付浮塵留得嘉名齒頰新玩物昔年原有恨
憐才當日竟無人胸懷闊處同於海詩酒場中老此身
奇士沈淪悲不已年年行樂但尋春
株連冤獄太無名縱酒誰知我獨清李白有才皆欲殺
嵇康負性不能平交游枉識都元敬忠告猶聞祝允明
一自佯狂歸計得尊鱸秋思共全生

造化窮研辨偶奇聲音律呂亦能知避喧不賣嚴遵卦
遣興還填柳永詞翰墨珍同和氏璧蘋蘩禮竝白公祠
商邱冢宰勞相訪繼跡風流在宥司

趺坐蒲團一盞燈閒緝貝葉學山僧醉眠自笑無他技
覺悟能參最上乘千古名流終白首百年故宇擁荒藤
橫塘舊有先生墓莫歎鉏田只五陵

僊館蕭條化劫塵中丞以後又更新襟懷高曠思當日
荆棘芟除賴後人落拓不知身是夢佯狂聊寄夢中身
卽今門外天桃放依舊黃鸝喚好春

芙蓉鏡下播香名三載彈琴吏亦清取士一時羅杞梓

憐才異代感生平門前湖水當春滿樓上花枝照眼明
斜日行春歸去晚幾回酹酒拜先生
自信才高遇必奇文章不望後人知前程兩袖盈盈泪
公案三生悵悵詞雪裏戲同陶令乞宅邊欲祀杜康祠
窮來骨相依然傲豈肯低頭作判司
一點光明大智燈才人悟徹卽枯僧詩詞遊戲三升酒
泡幻因緣一佛乘遊蹟頻年慵蠟屐生涯遲暮託溪藤
新碑三尺斜陽裏過客重瞻下馬陵

張梅又林

秀骨天然避俗塵行蹤到處總翻新祇疑花底生前活
誰識蘆中難後人托鉢仍畱居士相叩門無礙乞兒身
移情卻在蓬萊頂海上成連訪子春

江左誰傳放誕名捫心自信此心清黃衫游俠年猶少
青眼遭逢氣也平墓表當塗同太白歸從彭澤學淵明
不爭設醴飄然去一著先幾勝穆生

莫更黃墟歎數奇才名婦子盡能知生涯遊戲詩兼酒
絕藝高超畫勝詞十笏尚存居士宅百年重識解元祠
季方老去童烏之一脈揄揚賴有司

風雨兼旬一穗燈倦游遲暮淡如僧黃塵卓莢悲前路
白骨青衫悟上乘賣去畫圖供瘦鶴招來朋輩洗癭藤

故居賴有文人顯也似包山麴信陵

蔡晉亥 絳人

豈有清才冒浣塵名流標格至今新百年軼事談盲嫗
一代風騷有達人短碣已埋湖畔土長鉞早悟幻中身
表彰賴有瀛洲裔依舊桃花笑好春

窮途合借酒爲名風月襟期到骨清偶爾微瑕憐蕙苒
終令寶劍沒延平歌樓有句傳三影狂客何人識四明
嗚咽潯陽江上水飛鴻冥冥慕先生

千古才人遇例奇非關名姓忌人知市兒猶解珍遺墨
僊館重煩記曼詞溪上數弓梅福宅花前片石杜康祠

最憐絕少籃輿子不及陶家賸里司

半壁殘陽照佛燈重來撥蘚問枯僧吟多金粉情聊寄
醉寫溪山興自乘小閣獨憑懷夢墨濁醪再拜薦癭藤
從今春雨花開處歲歲遊人吊杜陵

陳鍾華 雙橋

濯魄冰壺絕點塵崇祠今喜得重新半生漂泊煙霞客
一代嶙峋氣節人詩有瓣香畱後起畫參妙果說前身
亭高夢墨神堪溯知隔桃花幾度春

才子頭銜第一名晉人風度自神清桓伊未免傷無奈
衛玠何曾有不平影證三幡僧榻靜花開四照石牀明

遙思點筆蕭齋下曠代神工代寫生
妙才如此運偏奇瀟灑風流四海知數世重尋觴酒地
一聯宛讀粲花詞共憐花隲猶存墓不獨香山僅有祠
記得狂歌花月夜幾番腸斷杜分司
庵居重點讀書燈恍見當時物外僧洗硯有池通八德
咒龍倩鉢入三乘法分潘縣沾紅雨菊映陶籬蔓紫藤
最是清聲如夏玉陽春曲已播巴陵

徐錫亨會卿

尋幽古寺踏香塵畦徑從今點綴新裙屐春風聯舊社
靡蕪秋雨弔才人精魂賸覓三生石姓字難磨萬劫身
千樹桃花開爛漫鶴歸猶認舊時春

佯狂豈遂擅佳名處世還能表獨清每爲傷心情自放
偶經失足恨難平數弓花鳥開初地一卷雲山冠有明
寧邱永藩觀去就謫僊猶得讓先生

劇歎才豐遇獨奇要從曠世結心知能添桃隲新春色
要補蘭臺舊日詞騷客有靈應識我故人合祀紀專祠
地連抔土堪憑弔孟薦年年孰典司
曉鳴鐘磬夜然燈遺跡還憑物外僧北郭題襟風已邈
南陽好事興堪乘殘碑兀立生苔蘚老樹支離繞葛藤
佳境只因才子重變遷多少谷爲陵

許佩琴槎

吳中韻事隔前塵才子行蹤異樣新縱酒頻邀天上月
狂吟大笑道翁人悠悠獨抱無窮恨落落能全不染身
空贖一杯埋骨地更誰到此弔芳春

訪古徒傳舊隲名鶯聲中恰竹聲清金丹不鍊僊遺蛻
玉樹長埋土漸平赤縣忽傳賢令到綠阡依舊好花明
重教江左人爭誦文采風流屬後生

青衫白髮數偏奇歸臥江邨世莫知贏得雲山名士筆
唱殘風雪乞兒詞生前泪漬劉蕡策死後墳鄰伍相祠
華表鶴歸增悵惻香翦紙有誰司

張紫琳秀瀛

鯉僊遺館埽芳塵入畫煙霞此地新林滿桃花花繞屋
地爲僧舍舍畱人到今大雅追前躅自昔維摩有化身
濁酒何堪澆墓下一杯遙借洞庭春

亭子還畱才子名滄浪心事最高清每於醉墨憐張旭
欲把離騷弔屈平賦到梅花春冷澹吟餘芳艸夢分明
多情弦索風流地曾此風流度一生

白髮飄零數太奇長門有賦少相知六言已悟如如偈
十首空歌悵悵詞秋夜月涼章氏宅春溪花浣杜公祠
箇中風景猶無恙欲倩緋桃爲典司

仙館東風紫陌塵
閒庭爛漫碧桃新
錦囊李賀原才子
彩筆江淹是恨人
文字遠追鸚鵡賦
煙嵐空託薜蘿身
荒庵不是宣公墓
枯柏重青一樣春

徐瑛

贏得旗亭識姓名
陶情絲竹愛聲清
偶因繡佛思蘇晉
不負奇山笑向平
百里棠陰長蔽芾
一時花縣正晴明
落英滿地思前度
遇著春風樹樹生
貝葉珠林文室燈
逃禪真似在家僧
早年詩酒誇名士
晚歲鐘魚證佛乘
羲獻墨皇裝錦軸
筌熙畫本補枯藤
相如饒有遺書在
幾向秋風弔茂陵

邵豫曾 奕芬

桃源有徑踏芳塵
仙館初看結構新
勝地至今誇韻事
愛才曠代有傳人
吟殘悵悵生前恨
悟徹如如劫外身
好是小橋流水抱
年年消受萬花春

市上還留酒丐名
佯狂玩世節逾清
馬遷差喜遨遊壯
阮籍難教塊壘平
二老風流偕素侶
一龕燈火伴長明
卽云書畫輝今古
光燄猶應萬丈生

謝炳奎

英雄誰識在風塵
紅拂圖成寄託新
覽鏡空憐成漫士
斷腸原不爲佳人
歌樓有伴長招手
酒債無臺可避身

留得墓傍桃幾樹春風依舊不勝春
剗竿露處見然燈寂歷茅庵曠老僧死後冠裳埋片土
生前懺偈悟三乘野田日落浮蒼靄曲隄秋深長碧藤
我欲樞衣薦蘋藻螺杯美酒酌蘭陵

吳淵

爲感文人值數奇絲津以後結相知一聯珍重分花句
幾卷按羅夢墨詞樵采舊巖柳下壟煙雲近接水僊祠
多才自古憐才子豈獨褒揚職有司
晚歲皈依古佛燈六如高閣本鄰僧僊寮仍附空王界
吟魄應參最上乘寒碧佳章垂汗簡中郎善本寫溪藤
而今花酒名流會不似鋤田笑五陵

吳毓金 位西

僊吏風流迴絕塵政成舊事與更新不辭吐握延名彥
復以文章契古人誰說解元逢藻闕我知居士卽前身
主持雅化歸明府棠蔭還同有腳春

石嘉祥

爲弔青衫厄數奇傳來佳句滿城知好將曠代才人意
補入千秋幼婦詞綠水一灣環古屋紅芳兩岸夾叢祠
知音莫道惟文祝吳下於今有左司
悟徹多羅不盡燈好將遺跡問禪僧琴尊爛漫終高臥

羊鹿拋除恥下乘花外鐘聲聞隔院墓前雲影挂疎藤
春來開徧桃千樹一隴紅霞似武陵

盛唐

紫府詞僊偶謫塵看花栽徧絳桃新文章涉筆空才子
風月消閒認主人片楮香畱千載譽四禪悟徹百年身
椒漿桂醕攜尊就況味依稀石凍春

小燄琉璃照佛燈不居眷屬合居僧樓間讀畫畱雲宿
夢到游僊倩鶴乘二月好風邀放艇四時佳候試扶藤
才人曠達原無礙學步真堪笑壽陵

朱華理

飛花捲盡又飛塵過眼雲煙景頓新勝地祇能畱舊蹟
名園那復認才人令威難作歸來鶴房瑄重尋定後身
不是誅茅恢故址黃鶯空復語三春

石嘉吉

煙水滌洄隔市塵招提此日忽重新風流曠代傳名士
遇合千秋有偉人詠到椒蘭能避俗攜來琴鶴慣隨身
吳宮豈少間花艸除卻夭桃不算春
殘宵守盡尚篝燈遺事能談併少僧五畝宅荒環一水
六如心了證三乘孤亭人去餘斜照老樹風迴颭古藤
曲和陽春原不易雅歌誰得繼松陵

籍甚詩狂李杜名青衫黃土總淒清百年如畫憐周昉
千古因讒痛屈平陽滿斜陽春艸合僧歸香徑晚霞明
殘碑零落餘荒冢誰掬寒泉薦此生

吳廷桂

風雨連宵屢翦燈蒲團香火且隨僧但知物外心無礙
那識人間隙可乘挹翠清明澆濁酒尋芳黃土長踈藤
憐才別有無窮感託盡寒儒學少陵

朱杰心耕

風流不逐陌頭塵祠宇欣隨治績新短碣舊曾埋宿艸
辦香今又薦文人千秋藝苑傳名士一偈楞嚴悟幻身

門外小桃花百樹年年含笑感陽春

惆悵重泉掩漆燈半龕佛火守殘僧人間誰爲傾三雅
地下猶能聽十乘花鳥舊曾窺夢墨亭臺新寫入溪藤
伯通橋畔春流滿挈伴停橈拜杜陵

夏德寧安甫

世間齷齪競科名投老幡然我獨清空色未能齊彥德
升沈無復問君平達人末路雄心愴才子回頭道眼明
滿隄春花開爛漫酒錢贏得樂餘生

韓熾昌緒

織薄吹簫盡識名市中混跡最神清荆高歌泣情無奈

顧陸丹青勢不平
蜨夢還驚春色滿
鶴歸猶見月華明
天桃合與羣芳伴
松桂新看一處生

張鳳儀

天餘才子數餘奇
狂態何求當世知
憑弔白雲芳艸地
悲涼紅雨落花詞
風流不付全身福
落拓還留半畝祠
太僕書齋城市近
未知可有後人司

徐培基

如公遇合數誠奇
贏得才名四海知
常以詼諧傳妙諦
每逢花月製新詞
青衫血染歌兼哭
紅粉情深冢近祠
煙水橫塘畱片碣
窈孃隄畔有誰司

韓起翔

傳世憑他命數奇
文章千古荷真知
商邱才子新亭記
寒碧僊人贈墨詞
宋中丞構才子亭
先文懿公有詩
楚客於今開勝地
吳儂重與說新祠
烏衣門第矜王謝
已付尋常冒姓司

宋 鈺

賈文賣畫豈求名
自許冰心一片清
落拓也縱吾所好
空騷原不得其平
境參兜率如如悟
花繞闌干六六明
才子自來通佛理
但能不朽即長生

吳 鋌

詩酒佯狂品絕塵
筆牀茶竈澤猶新
百年芳艸畱殘夢

千古桃花有主人苦憶竹林傳勝蹟定知金粟是前身
劇憐老屋荆榛裏空鎖僊家舊日春

尤崧鎮

僊居何必出凡塵只要名流著作新花影在前堪作侶
風流此後竟何人但逢綠醕方開口除卻青山不置身
重向桃源尋小隱鶯啼燕語喚留春

唐 銳

豈有奇才肯化塵遺庵舊蹟閱時新不同吳下三高士
獨立江湖一醉人了了俗緣求佛性珊珊僊骨想君身
重尋門徑編花柳三百餘年共此春

陳基泰

恥同處士噉虛名出世襟懷冰雪清自是神僊聊寄託
漫將書畫擬生平高談驚座時流忌具眼掄才後世明
新種緋桃矜得意放花時節水方生

吳春榮

地以僊人有定名置身月白又風清苔痕幾點綠階上
艸色頻年與砌平此日祠門花影暗數行楹帖墨光明
春來引得桃花水二月風吹細浪生

沈綬昌 春祺

杏花零落感題名

居士

自寫襟懷徹底清市上兒童皆

可玩曾中山水不能平少卿地下心難妒學士當時眼
自明誰肯憐才按軼事琴經爨尾竹孤生

杜元勳 春槎

燒殘燐燭伴青燈賣盡雲山淡似僧拚棄儒冠空萬有
頻緇梵夾悟三乘斜陽照壁連衰艸老樹敲檐冒瘦藤
脫白依然身落魄可堪昭諫遇鍾陵

俞文儀 厚堂

齋堂猶挂舊時燈金粟頭陀自在僧幻想青蓮撈月飲
曠懷列子御風乘絕無障礙惟持偈那有牽纏早割藤
疑冢橫塘鴻點雪休倩歌舞望西陵

張輝祖 春巖

小亭才子尚畱名華表魂歸鶴唳清牆角夕陽嗁鳥亂
門前春水釣磯平殘碑臥砌游蹤斷老衲攤書佛火明
記得年時頻載酒半階莎艸拜先生

吳允模 聽松

蒼涼桃隴隔前塵歲歲祠門艸色新空賸青蠅爲帛客
誰澆綠蟻與詩人泉聲自咽斜溪口花片難尋老樹身
宗袞瀟湘風雅士一杯添出十分春

張 桐 味琴

休傷身世誤浮名愛聽歌聲入夜清詩酒未妨追太白

升沈無復問君平生涯風雅胷中趣
供養清暉腕底明
如此情懷如此況挑燈重與話三生

袁寶樹

丈室依然點佛燈暮年蹤蹟似閒僧
曾經鶴背揚州跨
惜少籃輿五柳乘案上遺編畱貝葉
階前老樹蔓寒藤
雄心久已消磨盡故將何妨過灞陵

卜文炳

楞嚴夜讀自然燈遊戲邗江托鉢僧
半世佯狂隨世老
四時行樂及時乘幾曾生計求鑽李
何必功高羨斷藤
失意無須悲失路放歌還欲笑陰陵

章庭玉

禪關一點寂寥燈午夜支頤入定僧
花繞小谿紅雨亂
鶴歸華表白雲乘天親無著同瓊蕊
法喜慈悲尚葛藤
爭似詩文長照耀南來名士重徐陵

郊志潮

願與劉伶作後塵無心釣譽一時新
縱懷非好爲狂客
醉眼長畱看醒人小卉時開參是色
柴門深掩老吾身
至今故處桃花發依舊迎風欲占春

呂樹本

龍門燒尾竚成名滿耳雞蠅聽未清
白壁見排讒有力

青山買隱氣難平
越噫玩世高蹤邁
楚醴辭筵大義明
漫數風流文祝輩
還偕夢晉作狂生

湯逢時

豈有詩僊尚獵名
鐘魚聽後更心清
少卿池館難尋蹟
吳淞高臺定已平
千尺水從深處繞
兩三枝向竹邊明
無言不媚時流眼
只徧文人屋角生

宋惟亮

文長傳裏數稱奇
未必如公後代知
古冢何曾湮古蹟
新楹還喜屬新詞
烏絲購得銀於版
綠字餐餘貯在祠
埽地焚香琴與鶴
吳趨按典是專司

陳學海

招提合以散僊名
近酌蘋蘩沼水清
今日祠堂三徑靜
昔年墳土一杯平
庭栽絳樹風前笑
閣瞰青山雨後明
才子自應脩慧業
笑他方士慕長生

屠泰開

春來十里徧香塵
錦浪紅霞別館新
何可無花成勝跡
幾生脩到伴才人
繽紛陶令僊源記
想像莊生蜨夢身
莫道綏山今寂寞
坐中有酒且酬春

朱駿聲

青燈餘事寄傳燈
夢墨亭還訪舊僧
僊館新開分月奉

文人慧業印宗乘澆花每訊平安竹覓句還憑宛轉藤
玉柱金庭通地穴便思訪古到巴陵

陳晝堂

如何名重數偏奇潦倒難邀世俗知子鶴妻梅添雅韻
澧蘭沅芷憶騷詞題詩泪落三生案乞夢花生九鯉祠
豈是瑤池多女伴蟠桃要倩散僊司

顏一桂

事如前夢蹟疑塵劫過魚羊地又新燕子泥邊畱舊宅
桃花庵外有居人早窺跋扈飛揚勢想見風流跌宕身
采得椒蘭馨國士挽回一百幾年春

徐昂

橫塘寂寞靜游塵半畝茅庵蹟乍新寥落已成荒艸徑
風流重憶惜花人殘碑目斷斜陽路古墓名傳縱酒身
賴有三湘僊吏到黃鶯不怨奈何春

陸文楷

瘞鶴爭傳好古名使君清照大江清
謂陳恪勤公滄洲廉吏
風能繼江左才人氣盡平文字皆從今日顯花枝更比
舊時明長沙定與湘潭埒姓氏應稱楚兩生

韓燦

莫因落拓怨艱奇幾箇才人曠代知不是三湘接翰墨

誰憐一世擅文詞
柳垂粟里陶潛宅
梅繞豐山杜默祠
爭似夭桃紅灼灼
臙脂好倩女郎司

吳慶恩

百年黃土雜紅塵
賦到夭桃句鬪新
爾日看花惟有我
當時縱酒更無人
湖山嘯傲頻開口
懷古蒼茫獨側身
蓮葯拋殘菱芡綠
橫塘秋色不宜春

蔣啟元

不許爲儒數最奇
生前敢望鉅公知
向禽有願常登獄
嵇阮無聊始著詞
退筆淒涼文士宅
好花爛漫酒人祠
絲津去後長沙繼
風雅終歸大雅司

陸鰲

落拓丁年歎數奇
書生敢望茂陵知
六如變相空中偈
百丈游絲夢後詞
花竹蕭疎餘故宅
鐘魚朝夕有新祠
芳洲杜若長洲莽
香艸終歸楚客司

沈鳳翔

緡書入夜屢移燈
莫擬空山退院僧
載酒江湖真自適
從舟文祝許同乘
風聲漸瀝階前葉
月影玲瓏石上藤
名姓堪登高士傳
不須黨籍慕甘陵

褚逢椿

頻年讀易悟初奇
只合花前伴故知
多種庭間銷恨樹

耽吟江左斷腸詞溪山罨畫疑僊界簫鼓喧闐傍水祠
儻使真靈圖位業定招夢晉與同司

宋人鶴

天使奇才暫謫塵詞章長共好花新風流名字登仙籍
寂寞園亭問主人紅雨香濃疑昨夢青衫泪濕認前身
天桃省識重來路曲隄深深別有春

陳暉吉

甘教都穆獨爭名心映冰壺徹底清好事無憑榮復落
奇峯曾踏險如平數行淡墨畱香古幾點閒花照眼明
一例憐才人盡感愚山下拜濟南生

吳縣胡成基順齋

愧殺珊瑚鐵網名倚樓長對暮雲清神僊慧業因文見
落拓詞場託酒平白骨黃金皆露電桃花麥飯共清明
依稀尺幅沈酣意萬里江山筆下生

居士
吳縣吳廷翰夢蓮

雨潤芳塍不動塵夕陽影裏墓門新桃花僊賸桃花隄
夢墨亭懷夢墨人水浸白雲流廢圃庵飛紅雨見吟身
酒旗歌扇同銷滅冷落女墳湖上春

不署泥金第一名風流才子篆文清詞章自昔曾遭妬
恩怨於今尚未平章氏宅邊人幾換唐家園裏月常明

高冠白帽畱遺像今日鬚眉可似生
潦倒青衫賦命奇幽懷曾許素娥知爲尋煙水橫塘墓
重續離騷香艸詞埋劍吳王惟賸土吹簫伍相尚畱祠
一番興廢餘殘蹟天遣風姨月姊司
一點靈光化佛燈鐘魚聲裏伴山僧人歸黃土朱顏謝
僊去青天白鶴乘十級書樓迎夕照百年喬木抱枯藤
子規嗥向春風裏腸斷聲聲哭杜陵

吳縣 錢聖達 靜山

柳綫風搓舞綠塵小桃花繞墓門新一行姓字題殘碣
幾卷文章動後人埋骨土鄰埋劍地臥雲客愛臥花身

橫塘近日魂樓築說與游人好踏春

爭名心澹便逃名與世浮沈識自清曼倩談諧餘想像
長卿放誕見生平讀書樓外山痕碧夢墨亭前月色明
猶有後人憐落拓心香一瓣祀先生

黜去賢書定數奇此冤傳與後人知誰憐謠詠青蠅玷
爭誦風流白鳳詞立樹鳥歌如意曲踏青人拜斷腸祠
舊時吟侶同龕奉埽地焚香老衲司

佛前燈是讀書燈三百年來供老僧火裏蓮花騰幻
水中蟾影見三乘無聲露濕依闌竹不定風牽挂月藤
時到清明人酹酒紙灰蝴蝶滿邱陵

甘泉 劉崑源 竹泉

歌筵當日動梁塵風月今看此地新載酒還思騎鶴客
沿流幾誤捕魚人精靈黃土三三石風雅青衫六尺身
頻向夭桃花下立半憐才子半憐春

儘呼姓字不呼名為愛才人秀且清李白佯狂詩裏見
嵇康幽憤酒中平樓登北固黃塵遠人返東吳白眼明
文苑儒林皆可載笑他道學兩先生

劉養正李士實
附宸濠叛者

文章絕世數偏奇早定升沈有夢知雪裏高吟冥報句
貧來不作送窮詞即今樓冷黃昏月依舊溪通白傅祠
一色緋桃誰管領遣他天女散花司

鐘鼓敲殘講院燈鄴侯也伴懶殘僧早除煩惱原僂骨
一落名言即下乘暗室蠅休鑽故紙畏途鼠莫踏危藤
禪心久作沾泥絮枯木婆娑冷歷陵

方外 鐵舟

芒鞋棖觸六朝塵祠樹湖雲處處新曠世奇才真國士
生涯潦倒一騷人關山笛裏空懷古五嶽歸來賸此身
我是當年船子衲桃花流水亦傷春

一紙梁園慕盛名千秋士節至今清癡於杜牧情何豔
地接要離冢未平墓志必題因醉死綱常多半以狂明
吳儂亦解虫山事六指翻書太瘦生

朝雲共惜數艱奇四偈觀空異代知解感還生兜率界
打乖自寫酒僊詞荒園暮雨生秋艸短碣寒煙鎖廢祠
從此年年二三月酒旗茶鼓各專司
畫禪南北似然燈賣畫生涯愧老僧故宅江山悲弟子
荒臺花雨演金乘東華香土三生夢南國詩篇百丈藤
惟有才華終不沒等閒松柏話西陵

王仲瞿室
山陰人 金禮羸 雲門

仲氏和吳宰公唐陶山先生桃花庵詩淒楚不堪卒
讀嗚呼造物忌才書生薄命梁鴻慕要離死豈無情
賈誼哭三閭生寧無怨某身嫌巾幘藝愧丹青唐子
畏生花之筆夢夢通靈柳屯田墳上之鞵年年踏破
屏才人於牘外古鬼無睛索名句於篇中陳人欲泣
亦諧四什婦人無文聊次七言達人行樂
三尺枯墳一陌塵桃花橋畔墓門新世間兒女憐才子
地下蒼蠅弔酒人末路青衫窮措大老來紅粉送終身
書樓一角淒然在零亂殘英急暮春

大羅天上爾無名浪飲何分酒濁清龍虎榜高遭鬼繫

鴛鴦冢小被人平九孃墳聞已碑雷死友胡中議債迫

窮交祝允明一樣繡鞵尖上土踏青時節拜書生

猶喜桃花煞命奇朝官不識侍兒知頭顱誤感陰人笑

手把親贖盒子詞石田翁有青樓盒子詞胡粉黎園媚

舊曲煙花吳女豔新祠英雄別有傳名處何必文章借

主司

撩亂長明一酸燈準提庵院賸殘僧桃花死占僊源福

好色生參佛地乘醇酒婦人三了語纏名鎖利一纏藤

書生亦有冬青樹不獨唐城哭六陵

金華朱介泉沈昭華澹如室吳江人

居士明公兩絕塵詩文曠代各清新生前落魄無知己

死後憐才尚有人忍見孤眠三尺冢故添花護九京身

翻嗟廉范來何暮閒卻倦家幾度春

畢竟蒼蒼苦忌名聲華盛處福宜清情因縱酒思張翰

賦就懷沙擬屈平千古有才都放誕一生無事不聰明

人間誰似若能達雪月風范了此生

底事遭逢數太奇當時心境有誰知一鳴虛冠江南榜

數卷爭傳郢北詞徧種名花和靖墓遙分勝地白公祠

絳雲鎖斷前溪路礮戶無煩筦鑰司

晚節羈棲伴佛燈至今古墓尚依僧題詩客到花應笑
種樹僊歸鶴可乘雨露有恩滋傲骨松楸無處蔓長藤
他時載入姑蘇志不數當年下馬陵

徐錫齡母 朱宗汲 娟雪

力掃城塵萬斛塵金輪法界眼中新
芳艸依依戀美人俗客羞稱三考吏詩仙認取再來身
千秋俎豆傳佳話不羨河陽滿縣春

人生難得有 心世濁何妨我獨清讀書因緣師子久
垂簾心事問 青衫落魄魄終身恨紅粉關情隻眼明
直到佯狂完太知不是太憨生

莫問唐衢命數奇風流第一有人知少年多負中書債
老嫗還吟白傅詞幾點琉璃明古刹三春桃李拜新詞
激揚誰作斯文主豔說今時韋左司

擲管頻挑夜績燈懺除綺語似山僧不將人比桃花命
為喜禪參柏子乘懷古封題三尺土間居倦拄一枝藤
讀書臺畔春風舊莫忘趨庭杜少陵

先夫子主講東魯
兗子學詩于工部

吳縣朱宗 程宗淇 萊溪

桃花流水遠超塵遺蹟欣看結構新落落寧游方以外
嘒嘒不媿古之人禪燈佛火觀無始酒壘詞壇寄此身

詩卷長留真足慕元都底事十分春

領袖文場第一名閒看月白與風清
才華詎被遭逢減意氣都從閱歷平
交契衡山惟以淡事因元敬竟難明
花枝笑折堪沽酒不為吟詩太瘦生

人世升沉數與奇如君心蹟有誰知
滑稽寧屑同梁苑哀怨真堪繼楚詞
幸遇循良欽舊德好將蘋藻奠新祠
表微具見名賢志此事原非係職司

把卷還添夜半燈三生公案訪高僧
佯狂疇識無雙士妙理應叅最上乘
庭外繁花開碎錦籬邊明月映疎藤
千秋韻事憑誰繼漁父何須羨武陵

花陽聯吟卷之四

元和女士朱宗淑德音

筆走龍蛇迴出塵當年翰墨尚如新
桃花流水詩中句澹月輕烟畫裏人
休向青衫嗟落魄還從金粟悟前身
千秋勝地留遺蹟占盡金閨一市春
淒涼骸骨浪前身才華江左夙知名
心似冰壺澈底清磊落襟懷疇足竝
牢騷意氣詎難平客來舊隴雲猶護
吟到新詩月共明白骨黃金同是幻
好將公案證三生種花却要效淵明
不使才人地下奇表章舊德託心知
甘棠蔭滿推循吏楊柳枝吟憶妙詞
庭畔還尋蘇子蹟湖邊重式范公祠
名流韻事堪同調豈僅文章替左司

遺編讀罷剔疎燈
寂靜真如退院僧
詩合宋元工孰敵
交聯文沈興堪乘
聞風業已推紅杏
選勝何妨挂翠藤
新詠吟成還刺繡
玉臺敢望采徐陵

花陽聯吟卷之四

長白先 福芝而

才士名華隔世塵
舊時風月一時新
繡鋪綠野應迷徑
瞥着紅雲可問人
漫道管弦成幻夢
淒涼骸骨泯前身
幸逢敦族循良吏
復樹桃花耀古春

三代原輕是好名
於今端在袖風清
文章氣概煙雲表
教化循聲道路平
沽酒不妨學子美
種花却要效淵明
可憐荒盡香山社
三士桃庵春復生

故作狂顛志術奇
逃名避世怕人知
畫成摩詰別生韻
詩效青蓮另立詞
花塢十弓當日地
桃庵三士此時祠

宗光藉得賢良宰廟宇重新賴有司
荒墳破寺一檠燈獨照危塵瘦老僧那得清心除六害
更無妙諦契三乘欣逢善士垂雲手拯起枯根卧地藤
蘭若有花天女散從今日日誦迦陵

宣城張 燾 酒齋

羅含舊宅積埃塵三百年来壘碣新頭角崢嶸思國士
丰姿瀟灑屬才人濠流快樂焉知我竺氏依飯如是身
只有地華千萬樹栽將一歲一回春
造物何曾解忘名飯羅魚鬲味兼清從夸金難琳琅美
定遣雲壘凹凸平艸長王孫雙屐試花逢人面幾番明

頭銜許換湖山長領袞東風過一生

詩人道僻命多奇地下今番感受知佛腹賸藏居士集
碑跌爭搨外孫詞三椽粟主疏交綺一醜松泉藻薦祠
莫怪僧雖非廟祝辨香昕夕儼存司
晞古河陽遠續燈南宗合比巨然僧簪花格擅無雙號
蟹爪皴傳最上乘賤子懷非燕石寶吳趨灑寓剡溪藤
而今過眼從飛去好並僊源問武陵

漢陽 程思樂 前川

仙吏由来少俗塵一番點綴一番新看花有客迷前度
愛士多情到古人未忍青山埋傲骨直教白雪吊吟身

祠門依舊紅英滿不減當年洞口春

莫嫌好古只虛名搜盡嫺環萬卷清姓字三生能絕俗
文章千古貴持平市交在昔羞元敬心契于今見允明
底事六如有同好因緣翰墨近書生

碁枰黑白算殘奇忽玷青蠅忽受知賴有尚書留好句
可無名士續新詞四香名種空留閣五願如來並奉祠
惆悵秋娘疑塚在何當卮酒命分司

桃花菴裏快傳燈欲問當年掃徑僧漫說奇才多薄命
競誇慧業得真乘論文細味金壺汁選句新離玉板藤
是處高風足千古甘棠餘蔭及延陵

錢塘 王廷彥 容齋

田衣稻衲渺清塵捨宅而今整復新卻聘已曾傳奕世
懷才真不愧斯人劇憐荒墓門前艸旋看桃花鴨裏身
知己漫言惟宋玉須知花縣有陽春

最難婦孺盡知名丙舍常令風月清小隱終身原有意
佯狂淪跡未能平藝林雅稱文徵仲香火緣勝祝允明
從此一番花信後踏青人去拜先生

吳縣 繆頌 石林

蘇臺香徑盡埃塵畱得唐家舊宅新絕代鴻文成散帙
流傳佳話遍詩人庵居紅點桃花淚殿角青浮螺髻身

門外不知三徑闢風光千載占餘春
席帽長安半散名蛟龍泥滓獨澄清秋山皎潔千林爽
春水融和萬頃平簷掛重簾文案晦牕開傑閣晚霞明
回思幼歲穉綸群優孟衣冠宛似生
興衰初地偶還奇一辦南豐若箇知天使姓名懸婦孺
仙留蹤跡遍歌詞雞碑文字新增墓鸚館風花舊傍祠
三絕鄭虔真不替欣看曠代有人司
颺風海外閃紅燈漂泊人歸野院僧鄰鴨數頭爭掠水
浮屠九級影超乘浪游薄命輕飛絮重價高懸太古藤
名勝重新名進士終宵風雨憶巴陵

嘉定嚴 鈺 香府

宋玉才名繼後塵解元祠墓又重新坦夷踈曠憐才士
儒雅風流有替人兩第自能償一第後身轉欲認前身
種桃絕勝元都觀栽遍江南有脚春
黨分牛李半爭名文士難云白馬清獨擅風騷花送老
尚餘塊壘酒澆平放狂別悟觀空法却聘羣推見事明
我亦願為畫弟子賣丹青慣學先生
傑士偏多遭數奇茫茫肉眼究誰知詩成豈比蓮花落
夢遠空傳芍藥詞都穆構讒曾入社張靈浪迹待同祠
當時洒盡窮途淚俎豆分明有所司

化俗常懸照夜燈宰官身是舊禪僧德均惠露二英決
政泛慈航萬姓乘 寵錫既增關內秩謳吟欲盡剡溪
藤甘棠夢墨亭邊路不遺迷津似武陵

仁和楊安濤見吾

湖海英豪迥絕塵文章治行一時新天桃尚解酣殘醉
才子而今有替人此地唯餘樵叟跡多情忽現宰官身
鐘聲滿隴斜陽晚拄杖間尋物外春
不信深棲為避名爐香茗椀六時清也同學佛王摩詰
底事行吟楚屈平枝上旅霜聊寄跡波心皓月湛常明
等閒不作沾泥絮翻向煙花悟此生

靜掩衙齋演劫竊筌筌徑闢鳥先知獨標青史陽秋鑑
愛唱烏絲絕妙詞蔓草久荒文穆圃寒潮猶護伍胥祠
三吳民物關心切豈特風流竝左司

彌勒龕中無盡燈廢興閱遍賸山僧偏從劫外開生面
好向竿頭證上乘夢墨一編搜宛委斷碑三尺落枯藤
支離自笑空塗抹古木清池拜杜陵

善化許知璣玉田

洗盡天桃絕點塵看花眼界者番新紅雲競吐猶前日
綠酒頻澆見古人壯志舊饒衡岳氣風流活現宰官身
分香我獨懷南國苕苕甘棠總是春

久以宏才附盛名，篁墩心迹玉壺清。適逢謠詠嗟何極，
難借昌黎寫不平。憤俗書成羞萎媵，危屯歌出事分明。
請看花裏傳神筆，個儻鬚眉韻欲生。
才奇翻訝遇何奇，文祝當年是故知。松樹菊花陶令酒，
美人香草屈原詞。重經循吏搜遺碣，留得香風滿舊祠。
氣節文章垂百代，主持名教在官司。
猶剩當年欲燼燈，竭來重得訪山僧。碑留古篆苔為蝕，
路繞巉崖石可乘。一帶青烟迷舊塢，半簾紅雨護疎藤。
好同范老曾題壁，歌起清風撰子陵。

海州楊 鈍

蘇臺勝蹟久成塵，殘壘喧傳草色新。華閼不逢賢令尹，
幽懷誰溯古陳人。流波定泛紅桃片，古樹重栖白鶴身。
從此石棚花又種，海天江國一般春。

謠詠當年忌盛名，于今心蹟鑑雙清。阡開榛莽新祠葺，
壘禁樵蘇古木平。斷碣不隨荒草沒，小桃長倚夕陽明。
闡幽自愧無能役，淑媛憑人代寫生。
生前落拓數何奇，賸有風流後世知。淹漬青衫紛下涕，
淋漓黃絹競題詞。重開舊塢添新築，崇祀三高共一祠。
莫訝山人儕仕宦，枝山徵仲盡間司。

自是儒宗不燼燈，輸他空寂話名僧。政閒留意徵遺獻，

六
詩老從心證上乘春滿疏堤人蠟屐花明孔望客支藤
倘教一例邀封識風景何爭說武陵

海州許喬林

小歷紅羊浩劫塵名場詩榜又重新僊源有福逢循吏
清俸分餘到古人夢墨好尋香火誓看花還現宰官身
慈雲去後棠陰滿併與夭桃一例春

羅隱何須一第名畫禪詩格本雙清打頭紅雨堪銷醉
出手青山不喜平絕代文章傳氣節百年恩怨早分明
南濠才鬼如相遇四偈叅空悟此生

佯狂寧邸數何奇大節須從信史知世有王融標特筆

天留唐勒補清詞好澆曰墮僊人酒為築紅霞福地祠
自此年年春似海花旂不必寶兒司

拈花重與證元燈供養靈光付老僧香土長留方丈地
詩禪不落第三乘墨亭賦就描鷺絹海角鈔來貴剡
堪惜胸陽文獻少亂山何處訪徐陵

海州許桂林月嵐

蓬壺咫尺藹仙塵領郡東來化雨新嘉話盛傳桃隲榜
名章分賜郁洲人曾培香土初禪地為護花魂小謫身
豔想江南三二月紅霞照眼看班春

寧邸歸來絕代名章江噩浪一身清禪參金粉花同笑

劫過紅羊冢未平不污左官羞伍被獨標高節繼宣明
長沙今有真才子三百年來識此生

用原唱句

偉人造命數無奇海角輕才亦受知幸接春風陪末座
補拈花雨和仙詞名臣餘事兼文采儒吏深心重禮祠
翹首林宗師表近魏昭洒掃願親司

擬向松龕證慧燈劫灰檢點閱阿僧魂樓幾尺仙霞護
詩閣何年蠟屐乘會踏香雲澆白墮轉憐書屋賣青藤
寓情花酒還參破末路英雄學信陵

善化張晉本

水面浮漚雪裏塵百年陳跡頓翻新請看地下神仙骨

又遇樽前跌宕人把卷長吟憐故態拈花微笑認前身
同時更有天魔舞占得風流一半春

蕊榜金題漫得名煙雲詩酒韻流清青蠅莫笑都元敬
鸚鵡猶誇禰正平萬樹橋西爭豔冶短牆頭上看分明
解元本是蓬萊謫種與桃花即寄生

文禽暮偶或朝奇收犢清吟只自知湖上尋春金粉筆
樓頭乞食玉蓮詞絕憐青草要離塚可似丹山退傅祠
流水滌洄香徑別桃根都香司

覓得殘碑印佛燈幾番持護山僧難空色相歸宗旨
却掃言詮入上乘此事未須花結果他年行有樹纏藤

橫塘三尺藏遺蛻誰占先生一畝陵

陶惟模芝堂

宏治文章第一名綈袍瓦罐溯風清書存林爽人同古
畫買山頭價不平鳳里研池誰指點杏花邨店自分明
吾家珍重藏遺跡五柳先生筆下生

三百春秋數有奇豔碑綠字報人知甲申已惜庚寅語
辛酉還賡甲戌詞白石西湖聞好事紅欄一里建宗祠
辦香竝接橫塘路共識門前魏壽司

長白善祺熙臺

當年舊蹟已成塵僊館重修事又新六代才華真冠世

三吳詞畫屬斯人欲吟宋玉招魂賦難覓莊周化蝶身
薄暮臨風頻眺望一分花月一分春

曠代爭傳才子名悠悠濁世獨懷清怨深楚客悲無限
淚灑唐衢恨不平孤傲自成知己少佯狂直為見機明
等閒遊戲尋三昧笑指因緣石上生

平生寥落數偏奇心事疇憐只自知三尺斷碑居士蹟
一編夢墨解元詞橫塘花艸埋芳塚桃塢雲霞護古詞
寂寞風流何處在吳門烟月有誰司

不別書燈別佛燈高寒心地老於僧觀花翫月情無盡
酌酒題詩興可乘紅雨一簾迷曲徑青苔半壁繞疎籐

得逢賢宰栽花日漫把河陽認武陵

荆溪萬之蘅香南

夢破黃梁劫外塵依然詞墓一番新水雲深處空明界
文苑篇中淡宕人大抵功名皆定命非關才士不謀身
從茲歲歲花爭放管領東風鬥好春

兒童婦女競知名慧業還看福分清隔隔間香禽語集
落英點草蘚痕平高華縱遜徐昌國元遠應超祝允明
臺閣山林齊下拜筆花端的說先生

滄影寧須歎數奇百年若箇許心知都將定例無聊思
寫出殷憂放誕詞馬鬣崇封覘舊碣翬飛整翻仰新詞

祇令藝苑添生色果是文章有司

明人經藝重元燈幾輩都如粥飯僧作達一心空五蘊
舍毫六法悟三乘法塔日麗澆清醕簾幌風回音翠籐
何似多情賢令尹春初芹韭荐於陵有明中葉於陵令
子井李之簾乃於仲丁日
祭宣聖畢撒芹韭祀之

孝感屠祖增楓林

饒把文章謁後塵又從詩旨示清新百篇快讀聯吟句
一姓遙崇異代人仙館好思花外宅墨亭猶憶夢中身
何時去泛金閭櫂賞天桃萬點春
由來造物忌才名偏以才華見獨清餘事雲山供點染

中年絲竹感生平品於後世傳能實跡在當時志早明
華胄南來湖遺韻題碑遠繼宋先生謂宋高
邨中丞
文人英歎數常奇閱世馨香那得知阮籍悲深遺舊碣
唐衢哭後有新詞瀟湘水接滄浪水居士祠同短簿詞
自古升沉何處定悠悠欲問有誰司

悟徹韶華過眼燈念他海湧老詩僧清狂解識當年意
文字能叅最上乘訪古約看千樹雨遺編閑詠一枝藤
居士漫興第十有半
瓢詩彙一枝藤之句興懷更弔要離冢前路容尋即武
陵

荆溪汪玉珩

當年傲骨已成塵祠宇輝煌又一新落搨不妨聊溷俗
流傳至竟屬詩人孤墳重樹林宗碣鑄像還畱賈佛身
泉下才人休痛哭千秋幽谷竟回春

漫託佯狂放誕名那知恰中聖之清絹頭蕉雪同摩詰
澤畔蒹蘭想屈平科第一時雖吹坳雲山萬里自鮮明
於今讀罷唐衢集獨立蒼茫感慨生

潦倒生前歎數奇風流文采史臣知張靈狂士為良友
吳苑迴廊譜豔詞昨日中丞曾表墓於今華胄締新祠
千行新木欣無恙泥埽松闕付所司

月明古墓似禪燈竹柏滋培付老僧五十步樵新有禁

四時遊屐興堪乘
張皇全賴千秋筆
圖繪還憑一幅簾
無數紅裙吊柳七
絕勝漢寢興唐陵

